


„ვამტკიცებ“
თბილისის ჭადრაკის ფედერაციის
პრეზიდენტი
„07“
2023 წ.



„შეთანხმებულია“
საქართველოს ჭადრაკის ფედერაციის
გენერალური მდივანი
სოფიო გვეტაძე
„07“ 09
2023 წ.



„ალექსანდრე ბოკუჩავას თასი - 2023“

16 წლამდე ასაკის ჭაბუკთა და გოგონათა შორის

23.09-30.09. 2023 წ. ქ. თბილისი, ჭადრაკის სასახლე

დ ე ბ უ ლ ე ბ ა

1. ორგანიზატორი:

თბილისის ჭადრაკის ფედერაცია.

2. ღონისძიების მართვა:

განსაკუთრებულ / გაუთვალისწინებელ შემთხვევებში, რომელიც არ არის განსაზღვრული ამ დებულებით, ტურნირის დირექტორს უფლება აქვს განახორციელოს ნებისმიერი სახის შესწორება დებულებაში.

3. სისტემა: ტურნირი ტარდება ფიდეს წესებით, შვეიცარული სისტემით 7 ტურად.

4. დროის კონტროლი: თითოეულს მიეცემა 45 წუთი მთელ პარტიაზე, ყოველ სვლაზე 5 წმ. დამატებით.

5. კვალიფიკაცია: ტურნირი ჩატარდება ფიდეს სწრაფი ჭადრაკის წესებით. დაითვლება ფიდეს რეიტინგი რაპიდში.

6. მონაწილენი: ტურნირში დაიშვებიან საქართველოს ჭადრაკის ფედერაციის წევრი ჭაბუკები და გოგონები, დაბადებული 2007 წლის 1 იანვრის შემდეგ.

7. რეგისტრაცია და სატურნირო შესატანი: მონაწილეებმა რეგისტრაციისას უნდა შეავსონ სარეგისტრაციო ფორმა <https://forms.gle/pPFAczfyBcin6ArJ7>

ამავე ფორმაში უნდა ატვირთონ: 1) დაბადების მოწმობის ასლი; 2) თბილისის ჭადრაკის ფედერაციის საბანკო ანგარიშზე სატურნირო შესატანის გადარიცხვის დამადასტურებელი დოკუმენტი;

3) თბილისის ჭადრაკის ფედერაციის საბანკო ანგარიშზე ფედერაციის წლიური საწევრო შესატანის (24 ლარი) გადარიცხვის დამადასტურებელი დოკუმენტი.

რეგისტრაციის ბოლო ვადაა 2023 წლის 23 სექტემბრის 18:00 სათი.

ნატა ალავიძე: ელ-ფოსტა - n.alavidze64@gmail.com მობ: 558 11 86 83

თბილისის ჭადრაკის ფედერაციის საბანკო რეკვიზიტები:

სს „ლიბერთი ბანკი“, საბანკო კოდი - LBRTGE22

ანგარიშის ნომერი: GE85LB0115171850203000

სატურნირო შესატანი: 25 ლარი (უნაღლო ანგარიშსწორებით). სოციალურად დაუცველები და მრავალშვილიანები განთავისუფლებულნი არიან სატურნირო შესატანიდან.

8. თაი- ბრეიქი: ორი ან რამოდენიმე მონაწილის მიერ თანაბარი რაოდენობის ქულების დაგროვების შემთხვევაში ადგილები განაწილდება:

1. ურთიერთშორის შეხვედრა;
2. ბუჰგოლცი-1 (1 უდაბლესის გამოკლებით);
3. ბუჰგოლცი (ყველა მეტოქის ქულათა ჯამი);
4. შავებით ნათამაშები პარტიების მეტი რაოდენობა;
5. მოგებების მეტი რაოდენობით.

9. ტურნირის განრიგი:

ტური	დღე	საათი
რეგისტრაცია	23 სექტემბერი	
გახსნა	24 სექტემბერი	16:00
I ტური	24 სექტემბერი	16:00
II ტური	25 სექტემბერი	16:00
III ტური	26 სექტემბერი	16:00
IV ტური	27 სექტემბერი	16:00
V ტური	28 სექტემბერი	16:00
VI ტური	29 სექტემბერი	16:00
VII ტური და დახურვა	30 სექტემბერი	16:00

10. პრიზები: საპრიზო ფონდია - 1800 ლარი.

მონაწილეთა პრიზები:

	ჭაბუკები	გოგონები
I ადგილი	200 ლარი	200 ლარი
II ადგილი	150 ლარი	150 ლარი
III ადგილი	100 ლარი	100 ლარი

1-3 ადგილზე გასული მონაწილეების მწვრთნელთა პრიზები:

	ჭაბუკები	გოგონები
I ადგილი	200 ლარი	200 ლარი
II ადგილი	150 ლარი	150 ლარი
III ადგილი	100 ლარი	100 ლარი

- ყველა პრიზი დაიბეგრება საქართველოში მოქმედი ფინანსური კანონმდებლობის შესაბამისად.

11. დაჯილდოება:

- 1 ადგილზე გასული მოჭადრაკეები დაჯილდოვდებიან თასებით, მედლებით, დიპლომებით და ფულადი პრიზებით.
- 2-3 ადგილზე გასული მოჭადრაკეები დაჯილდოვდებიან მედლებით, დიპლომებით და ფულადი პრიზებით.
- ტურის დაწყებიდან 30 წუთზე მეტის დაგვიანების შემთხვევაში მონაწილეს ჩათვლება წაგება.
- ტურნირში სამართლიანი თამაშის წესების დაცვა რეგულირდება დანართი 1 - ით.
- ნებისმიერ მონაწილეს შესაბამისი პარტიის დასრულებიდან 30 წუთის განმავლობაში უფლება აქვს გაასაჩივროს მსაჯთა კოლეგიის გადაწყვეტილება სააპელაციო კომიტეტში. მონაწილე ვალდებულია წერილობით პროტესტთან ერთად საქართველოს ჭადრაკის ფედერაციაში გადაიხადოს 50 ლარი, რომელიც პროტესტის დაკმაყოფილების შემთხვევაში უკან დაუბრუნდება.

ტურნირის დირექტორი: თბილისის ჭადრაკის ფედერაციის პრეზიდენტი,
საერთაშორისო ორგანიზატორი - ზურაბ მიქაძე
მთავარი მსაჯი: საერთაშორისო არბიტრი - მარგალიტა თანდაშვილი

დებულების დანართი 1
სამართლიანი თამაშის წესების დაცვაზე

ყველა მონაწილე ვალდებულია დაიცვას სამართლიანი თამაშის როგორც დაწერილი, ასევე დაუწერილი წესები. სამართლიანი თამაშის წესები უპირველესად მოითხოვს პატივისცემას მოწინააღმდეგის, სხვა მოჭადრაკეების, მსაჯების და გულშემატკივრების მიმართ.

წესების დაცვისთვის გატარდება შემდეგი ღონისძიებები:

1. ორგანიზატორის მიერ მკაცრად განისაზღვრება ზონები მონაწილეებისთვის (სათამაშო ზონა) და თანმხლები პირებისთვის. პარტიის დასრულებისთანავე ნებისმიერი მონაწილე ვალდებულია დატოვოს “სათამაშო ზონა”.
2. პარტიის მსვლელობის დროს მონაწილეებს ეკრძალებათ “სათამაშო ზონიდან” გასვლა, კონტაქტი სხვა მონაწილეებთან, გარეშე პირებთან. მსგავსი შემთხვევის დაფიქსირებისას მთავარი მსაჯი უფლებამოსილია რეალური სიტუაციის სიმძიმიდან გამომდინარე მონაწილის მიმართ გამოიყენოს შემდეგი საჯარიმო პუნქტები : სიტყვიერი შენიშვნა, წაგების მისჯა, ტურნირიდან მოხსნა. შემდგომი სასჯელის განსასაზღვრავად მისი საკითხი გადაეცემა საქართველოს ჭადრაკის ფედერაციის შესაბამის კომისიას.
3. მონაწილეებს ეკრძალებათ ტელეფონის, საათის, საწერ კალამის და სხვა ელექტრო ან რაიმე მეტალის შემცველი ნივთის შეტანა “სათამაშო ზონაში”.
4. ყოველი ტურის დაწყებამდე მთავარი მსაჯი დაათვალიერებს “სათამაშო ზონას” და უზრუნველყოფს ზონის ნებისმიერ აკრძალული ნივთისგან განთავისუფლებას.
5. “სათამაშო ზონაში” შესვლამდე ყველა მოჭადრაკე ვალდებულია დაეთანხმოს შემოწმების მოთხოვნას, მათ შორის ხელის ელექტრო დეტექტორის საშუალებით.
6. ტურის მსვლელობის ნებისმიერ დროს ან პარტიის დასრულების შემდეგ მთავარი მსაჯი უფლებამოსილია დამატებით შეამოწმოს, მათ შორის ელექტრო დეტექტორით ნებისმიერი მონაწილე, რომელიც ვალდებულია მაშინათვე შეასრულოს მთავარი მსაჯის მოთხოვნა.
7. საექვო პარტიები პროგრამულად შემოწმდება.
8. მე-5 და მე-6 პუნქტებით გათვალისწინებული მოთხოვნის შეუსრულებლობის შემთხვევაში ან თამაშის მსვლელობისას, “სათამაშო ზონის” დატოვებამდე ნებისმიერი აკრძალული ნივთის აღმოჩენის შემთხვევაში, მონაწილეს ჩაეთვლება კონკრეტულ პარტიაში წაგება და მოიხსნება ტურნირიდან. შემდგომი სასჯელის განსასაზღვრავად მისი საკითხი გადაეცემა საქართველოს ჭადრაკის ფედერაციის და ფიდეს შესაბამის კომისიებს.
9. ორგანიზატორი იღებს ვალდებულებას უზრუნველყოს ნივთების უსაფრთხო შენახვა.